

四庫全書

集部

欽定四庫全書

眉山詩集卷六

宋 唐庚 撰

五言排律

峽路十韻

上馬復下馬羸軀不暫停鈴聲今古道柳色短長亭亂  
石波翻雪洪崖岫破青羊歸泂絕壁鹿飲入寒汀兩岸  
渾遮月中天畧見星雲來通玉壘江去背滄溟春少花  
難圻霜多葉易零愛山猶著物畏棧未忘形事業知安

在艱危已備經宦遊方此始何日遂鴻冥

上益昌守李大夫

標致自清流知名二十秋諸儒堂上席羣客帳前籌南  
渡衣拖繡西來幕建油食葱逢屈突封戶識荊州襦袴

三巴國橐鞬九郡侯

故事寧武軍  
節制諸郡

道興期變魯文盛擬

從周

主管  
學事

訟矢雖闕聽賓壺不廢投

本府訟牒至冗  
公處之有餘地

未

妨登袞袞暫屈布優優望府多竒士華顛媿督郵崎嶇  
緣底事憔悴此重遊舉目江山是翻身歲月道客愁移

帶眼鄉思詠刀頭技癢論文在心闌觸事休那堪趨冉  
冉祇是判悠悠揣分宜長引憂貧復少留長裙何處曳  
館閣儻容鄒

上漕使

持節三千里提封一十州天文占使入地上覺錢流吏  
有言前信農無賦外求事投餘刃畢政舉大綱休惠澤  
坤維潤威風井絡秋利源乾復溢民瘼痼還瘳德以柔  
剛濟材兼巨細收道興期變魯文盛擬從周卽給中臺

筆行弛外計籌孤生真自幸微祿每容偷未可長閑去  
須為寸進謀祇應青白眼能為辨薰蕕

石漕生日

夢斷維熊夜祥呈饋鯉初固應賢有後誰謂慶無餘為  
國家相似憂民子不如符分四任虎金佩十年魚未補  
三公袞聊分八使車權衡公選格陵阜富軍儲閥閱氈  
猶在朝廷席正虛稱觴勤祝頌二十考中書

家提倉生日

銅梁蟠地角此日誕英竒世路方敦側心田自坦夷著  
書揚子宅講學仲舒帷庠序聲名久朝廷議論推受釐  
才賜對攬轡便逢時誰道儒宮冷如今使節持幸全陳  
孺社喜遇紫芝眉更祝靈椿壽驚烏託穩枝

張嘉父生日

靈光不自藏今日誕忠良揮塵雲騰湧峩冠鶴瘦長強  
明心似月勤幹鬢成霜赤縣鳴琴宓清朝攬轡滂權衡  
公調選陵阜富饌糧除惡雖云切憂民只恐傷行看星

使動已覺省蘭香壽考何須祝傳家辟穀方

送趙世澤供奉

君豈蹶張手是間聊自藏兒童歌楚些婢子誦靈光契  
分詩交密形骸酒遺忘方依益者友遽理舍人裝雞黍  
他年約君嘗約子卜居常潤山河白日長陽關那忍聽衰老易悲

傷

遊仙雲宮

出郭三竿日橫江一葦航雀飛田有麥蠶罷野無桑下

馬危梯滑開門古殿香雨餘丹井溢苔入醮壇荒畫老  
星辰動碑殘歲月亡鐘聲落城市符祝走村鄉墊鳥啼  
巴蜀山崖刻漢唐臨歸更回首惜此一襟涼

任滿未聞除代

已媿千名佛何堪一卷師十年駒局促萬事燕差池館  
下諸生笑門東稚子飢賓僚眼前換歲月鬢邊馳子舍  
行將去吾車亦已脂謂當魚縱壑猶作鳥粘羈宿有詩  
書債非闕造化兒岷峨吾故國自合去遲遲



翟提倉生日

奎畢夜騰輝英靈出帝畿陶門八翼後卻挂一枝巍使  
斧今持鐵經編舊絕韋政將儒雅飾學造道心微士論  
宜金馬君恩且繡衣德醇渾可飲才俊不容晞盛世方  
連茹孤生耻食薇初從漆雕仕全拙漢陰機齎舌猶餘  
苦蓐心未得歸大椿祈不老烏鵲正求依

錢憲生日

何處產英竒河南定鼎基珠傾鮫室寶蘭長謝庭枝事

業堪臺省功名暫海沂案成張說口德滿紫芝眉和氣  
真堪掬清風凜欲吹每因憐傳癖未甚責書痴盛德雖  
忘報私心實自知遐齡何以祝華表鶴歸時

書鄭撫幹詩卷後

本合金閨去翻來玉壘遊邊塵凝不動詩債索相酬自  
得清新庾非闕鍛鍊周雲臺家體格文館祖風流冀北  
雖蒙顧遼東祇自羞好傳江上女歌向竹枝秋

眉山詩集卷六

欽定四庫全書

眉山詩集卷七

宋 唐庚 撰

七言排律

清明日示弟姪

歲華忽忽又清明憶與諸生試集英  
金鎖掣雷開右掖紵欄披雪照昇平  
立班雉尾身疑夢茂對龍顏目乍驚  
百拜起居分左右十年宵臆轉縱橫  
愧無長策裨千慮敢昧初心負一名  
三道豈能窺董傅乙科今復愧匡衡

始吾進取恬無意看汝光華便是榮他日當求田二頃  
杖藜自足過浮生

送宋袞臣赴任浙憲

綵衣入蜀記當年金紫重來抱使權擁鉞止奸民莫枕  
揚鞭畫計地流錢汝南評論常相借圯上文書獨見傳  
政目告成纔五月歲頭未改恰三遷秦雲慘雪趨朝路  
吳雨肥梅按部天名位愈隆人愈遠從今帝席為誰前

眉山詩集卷七

欽定四庫全書

眉山詩集卷八

宋 唐庚 撰

五言絕句

春日二首

啼禽通夢寐芳草過比隣  
暖逼花期促愁牽酒量伸  
去就慙雲雁浮沉羨海鷗  
妾心花片落豪氣柳枝柔

梭花

斫破夜叉頭取出仙人掌  
鮫人滿腹珠鮎魚新出網

栖禪暮歸書所見二首

雨在時時黑春歸處處青山迴  
失小寺湖盡得孤亭  
春著湖烟膩晴搖野水光  
草青仍過雨山紫更斜陽

閨怨

芳草遶池綠天涯人未歸  
春來更消瘦渾欲不勝衣

眉山詩集卷八

欽定四庫全書

眉山詩集卷九

宋唐庚撰

六言絕句

題瀘川縣樓

百斤黃魚鱠玉萬戶赤酒燒霞榆甘渡頭客艇荔枝林  
下人家

赴益昌二首

豈有登臺袞袞漫令去國遲遲南越纓方欲請北山文



莫相移

樂職如含酒美判司敢歎官卑會待薛疏供帳歸從朱  
老栽橙

六言即事二首

幾年持鉢天外晚歲結菴海隅頭白親逢孔墨眼生初

識揚廬

孔雀墨魚  
楊梅廬摘

煙合家煨老酒風腥船過醜魚丁米獨遺遷客峒夫不  
數僑居

百七十一

百七十一

二

眉山詩集卷九

欽定四庫全書

眉山詩集卷十

宋唐庚撰

七言絕句

過潼關

鐵衣十萬擁胡雛  
手釋襟喉計亦疎  
閫外不聞天子詔  
將軍未甚讀兵書

春日雜興七首

羲陽瀟灑燕臺詩  
誰解知音似柳枝  
寂寂閒庭春已過

落花無語背人悲

愛梅長恐著花遲  
日禱東風莫後期  
及得見梅還冷淡  
東風全在小桃枝

茸茸小雨弄春晴  
已有狂花未見鶯  
便使一年惆悵在  
曉窻寒夢別輕盈

春衣初作舞雩歸  
手展韋編晝寢稀  
解使芳陰快幽意  
飛紅零落遶窻扉

短帽輕衫信馬行  
郊原春色太牽情  
兔葵燕麥渾閒事

最有蕪菁到處生

月團新碾破春醒  
賴有歸鴻寄好音  
人在天涯莫回首  
恐輸華髮上瑤簪

故人不見空凝睇  
過雁全疎只斷魂  
猶有野梅臨水在  
一枝無語伴黃昏

過田橫墓二首

成則為王敗則亡  
英雄成敗本尋常  
滄溟無際何妨死  
却死東郊未耿光

卷十  
九江梁楚竟誅夷自古才高必見疑  
脫使酈生猶未死  
將軍來此亦何為

春日

今日天涯又見春  
與春事契合相親  
君看四十年來事  
只有東君是故人

渡沔

鶴歸遼海悲人世  
猿入巴山叫月明  
惟有沙蟲今好在  
往來休並水邊行

鴨步

伏波江面瑩如磨  
忽爾奔騰作沸渦  
橫笛未終平似坂  
此中端有萬蛟鼉

登樓禪山

海雨山煙撥不開  
眼前遮定望鄉臺  
如何借得維摩手  
斷取西南故國來

白鷺

說與門前白鷺群  
也宜從此斷知聞  
諸公有意除鉤黨



甲乙推求忍到君

跋道德經

關智饒君三十里著書還我五千言只將得一觀天下  
約法劉公已太繁

即事三首

歸心急似隴頭水華髮多於嶺上梅正是堯朝猶落此  
當時湘浦亦宜哉

還家久近書難寫破屋陰晴榻屢移吾道非耶來曠野

人生樂爾復何時

案頭行掃塵隨起  
窻眼纔封雨又梢  
更力窮空沽白餅  
莫將疲苴鬪黃茅

遣興二首

僧寺借經便大字  
鄰牆喚酒及新菑  
三年於此得其理  
一飽已還非所求

酒經自得非多學  
詩律深嚴近寡恩  
田里歌呼無籍在  
朝廷議論有司存

臘嶺戲書

嶺多亂石  
過者苦之

上世有鞭能走石今人無鐸可驅山  
一回憑膝一移足  
老盡行人未老顏

春日二首

更與何人共寂寥  
竹君時引到谿橋  
是家大似東郭子  
能使人之意也消

尚有小桃凌妬女  
豈無大杓飲衰翁  
老來不復談堅白  
醉去猶能愛淺紅

東鄰二首

即今樂事屬牆東  
歲晚何曾酒盞空  
白蜜已輸仍節近  
紅藤未動况年豐

肯聽寒梅緩緩消  
笛聲夜夜到谿橋  
怪生不似關山月  
新向城中得徵招

題覽勝閣後破佛

塵侵面相黃金暗  
雨入眉毫白玉休  
此日爭看大垂手  
遊人誰復小低頭

到羅浮始識秧馬

擬向明時受一塵著鞭嘗恐老農先行藏已問吾家舉  
從此馳君四十年

舜祠

韶州

謳歌率土性之也號泣旻天孝矣乎何惜扁舟繫韶石  
憶曾萬里叫蒼梧

甲午元日

非賢幸脫龍蛇歲上聖應憐蟻蝨臣憶與政和同度嶺

朝來已點四年春

籌筆鋪

脅寡欺孤罪未訶先生此意竟蹉跎  
漫令鄴下痴兒女駭汗驚惶欲渡河

過湖縣

狼虎猶知父子仁人生安有不親親  
武皇況是聰明主却恨初無一諫臣

蘇君俞通判愚齋二首

人間爭以智相高底事紛紛祇自勞頓覺味愚真有味  
莫將佳處語兒曹

三年消遣琴書在一室清虛杖履涼却怪齋名渾未盡  
邇來愚智已兼忘

自笑二首

案頭故紙如撥山三年祇有馬上閒貴官眼高不解顏  
緊推不去何其頑

平生所學盡虛談為吏文書百不諳喚作參軍真漫浪


軍中底事更須參

金牛驛二首

秦人虛餌方投釣蜀國痴魚已上鉤  
天與中原通笮馬人間何處有金牛

由來仁義行終穩到了權謀術易窮  
纔見詐牛收劍外已聞真鹿走關中





眉山詩集卷十